

**Niam Txiv thiab Neeg Nruab Zog Lus Nug Ntawm Daim LCAP**  
**Rov Saib Dua**

**Lus Lwm Yam:**

1. “Kev npaj kom txhij mus kawm ntawv rau qib siab thiab kev ua hauj lwm” – Lus hauv kev kawm ntawv txhais tias a-g thiab CTE.
2. Nyiam tuaj koom – phooj ywg-me nyuam kawm ntawv
3. Accelerate Programs (pab qhia kom me nyuam kawm kom ncav qib/theem)

**Cov lus ua raws lub tswv vim qhia:**

1. Hnub no lub tswv vim zoo heev. Kuv pom kuv muaj nqis thiab kuv nyiam kuv cov lus. Kuv cia siab tias nej yuav siv peb cov tswv vim no.
2. Lub rooj cob qhia no kuj muaj qhov yuam kev vim ib txhia yuav hais ntau dhau ces ib txhia niam txiv cov uas tuaj koom ho tsis hais.
3. Cov niam txiv yuav tsum muaj feem xyuam pab tswv vim thiab xaiv tswv vim hauv kev sib tham nyob rau lub 3 Hlis tim 17.
4. Tsev kawm ntawv puas tau muaj kev sib tham nrog lawv cov niam txiv.
5. Kev sib tham yav pem suab muaj feem txog DAC thiab/los yog lwm lub rooj sab laj rau niam txiv yuav tsum muab yees cia thiab kaw suab tseg.

**Singletons:**

1. Raws li qhov koj qhia hais txog lub programs/kev kawm txog li cas nyob rau yav pem suab (tsis paub tias yog sau li cas) hais txog tus zauv nroog (zip code) ntawm cov chaperons (tsis paub tias yog sau li cas). Kuv xav paub txog tus zauv nroog uas koj hais txog.

Nyob rau lub sij hawm no tsis muaj program tsim los ntawm tus zauv nroog. Hais txog kev ncaj ncees, peb yuav saib xyuas kom tag nrho cov me nyuam hauv txhua cheeb tsam hauv peb koog tsev kawm ntawv tau kawm cov programs zoo ib yam, thiab tsis txhob muaj programs zoo nyob rau ib qho es tseg ib qho. Piv txwv koog tsev kawm ntawv yuav muaj technology kom thoob plaws koog tsev kawm ntawv li ntawm 3 mus rau 1, me nyuam mus rau computers. Nyob rau yav dhau los tej cheeb tsam hauv peb koog tsev kawm ntawv lawv kuj tsis muaj technology siv li lwm qhov. Muaj khoom tshiab rau cov me nyuam nyob rau xyoo 2014-2015, tag nrho cov me nyuam yuav tsum tau siv technology kom ncaj nruab nrab li ntawm 3 mus rau 1.

2. *Lus nug txhais los ntawm lus Spanish:* Xav kom muaj kev tiv thaiv ntau rau me nyuam kawm ntawv. Xav kom muaj ib lub program saib xyuas kev ruaj ntseg nyob rau hauv tsev kawm ntawv. (Rudy)

Lub tsev kawm ntawv thiab koog tsev kawm ntawv cov neeg yuav saib xyuas zoo hais txog kev nyab xeeb rau tag nrho cov me nyuam. Tam sim no, koog tsev

kawm ntawv thiab cov tsev kawm ntawv tseem kho lawv lub tswv yim kom tsev kawm ntawv muaj kev nyab xeeb hu ua comprehensive school safety plan. Lub hom phiaj uas rov kho lub tswv yim kom muaj kev nyab xeeb yog xav kom tag nrho cov me nyuam hauv koog tsev kawm ntawv muaj ib thaj chaw zoo los kawm ntawv yam tsis ntshai. Ntxiv ntawm lub hom phiaj no, ntau lub progrms hauv TRUSD cov tsev kawm ntawv muaj kev pab los txhawb kom muaj ib thaj chaw zoo rau txhua tus me nyuam, yuav txais ntxiv li tsib (5) tug School Resource Officers.

**3. Thov kom peb tham txog qhov yuav coj los pab rau cov me nyuam ntsuag nyob nrog niam qhuav txiv qhuav? Peb tsis tau saib cov ntaub ntawv hais txog cov me nyuam ntsuag los yog tham txog tej yam uas cov me nyuam no xav tau. (Rudy)**

Koog tsev kawm ntawv muaj ib lub rooj sib tham hu ua LCAP/LCFF forum rau cov me nyuam ntsuag nyob nrog niam qhuav txiv qhuav thaum lub 3 hlis hnuv tim14, 2014. Nyob rau hauv lub rooj sib tham no lawv tau tham txog kev pab txhawb cov me nyuam no. Nyob hauv lub rooj sib tham no muaj lus tseem ceeb thiab tswv yim zoo hais qhia rau koog tsev kawm ntawv. Peb tseem yuav ua ntxiv los txhim kho txoj kev txhawb pab kom nws zoo rau tag nrho txhua tus me nyuam, koog tsev kawm ntawv yuav tham thiab saib cov ntaub ntawv hais txog qhov tshwj xeeb uas yuav coj los pab cov me nyuam ntsuag nyob nrog niam qhuav txiv qhuav no.

**Cov Hoob Kawm:**

**1. Thov puas kam qhia cov hoob STEAM kom ntau? Xaij (Science), Computers (Technology), Kws Tsim (Engineering), Kos Duab (Art) thiab Zauv (Math). (Craig)**

Peb pom STEM thiab VAPA tias cov hoob no yog ib co tseem ceeb uas me nyuam yuav nyiam. Hais txog Kos Duab, peb twb tau qhia txog qhov no hauv peb daim LCAP yuav txais cov xib fwb qhia kos duab Qib K-12.

Hauv Xaij (Science), Computers (Technology), Kws Tsim (Engineering), thiab Zauv (Math), peb yuav txav mus rau tom ntej. Peb tau ua tiav ntau yam tshwj xeeb hais txog zauv nyob rau xyoo no, hauv Qib K-12. Peb cov neeg kav tswj (Board) tau tsim thiab txav mus rau CCSS integrated pathway. Peb kuj tau ua hauj lwm nrog WestEd hais txog tsim cov ntawv Common Core kom zoo ib yam. Nyob rau lub caij ntuj so peb yuav sim lub STEM program hauv cov Middle School.

Tshwj xeeb, peb twb muaj ib pab xib fwb ua hauj lwm rau Next Generation Science Standards (NGSS).

Tag nrho txhua yam peb nkag siab hais tias qhov tseem ceeb ntawm STEM thiab VAPA mas me nyuam yuav nyiam heev thiab yuav xav kawm. Peb tseem tab tom tsim programs los pab me nyuam txoj kev kawm ntawv nyob rau txhua hoob. Peb yuav tsim txoj ncauj ke los txhawb nqa kom me nyuam nkag siab ntau dua los ntawm xaij (science), computers (technology) zauv (math) thiab kos duab (Art) ua ke.

**2. Thov puas kam qhia cov hoob no kom ntau kom tag ib hnuv: Qhia nyob rau tom qab lawv ntawv – kom muaj sij hawm qhia ntev thiab/ los sis Qhia li 2 teev nyob rau ib hnuv (block scheduling)? (Dayna/ Craig)**

Tam sim no peb muaj txoj hau kev rau cov me nyuam los kawm hoob kom ntau thiab kom tau kawm ntev lawv yuav muaj ntau txoj hau kev, xws li After School Education and Safety (ASES) us yog kawm nyob rau tom qab lawb ntawv, ntxiv qhab nees (credit recovery), kawm nyob rau lub caij ntuj so, thiab kawm online. Koog tsev kawm ntawv thiab nws cov tsev kawm ntawv cov programs yuav pab, tshawb nrhiav kom muaj kev xaiv kawm lwm yam los rau tag nrho cov me nyuam kom lawv muaj hau kev los kawm hoob kom ntau. Block scheduling yog ib lub tswv yim uas peb tseem txiav txim seb ua puas tau raws li tag nrho cov me nyuam cov hom phiaj hauv lawv txoj kev kawm ntawv. Qhov no yog ib qho nyob hauv cov xib fwb daim ntawv (contract) ua hauj lwm thiab yuav tsum tau kev pom zoo los ntawm lub collective bargaining ntawm Twin Rivers United Educators (TRUE).

**3. Kev ntaus suab paj nruag thiab hu nkauj kom muaj hais ua lwm yam lus raws li txhua haiv neeg nyob ib cheeb tsam? (Jackie W.)**

Qhia ntaus suab paj nruag thiab kos duab yog nyob ntawm cov qauv kos duab thiab kev ua yeeb yam. Yog ib txog kev txawj uas ruaj khov rau tag nrho cov me nyuam thiab lawv yuav nyiam.

**4. Puas kam peb muaj ntau yam kev kawm xws li project – based thiab kev kos duab? (Jackie W.)**

Kev cob qhia hais txog kos duab yuav tau npaj rau hauv Koog Tsev Kawm Ntawv lub rooj cob qhia hu ua Professional Development nyob rau lwm xyoo. Kev tsim CCSS yuav tso rau project-based learning.

**Ntawv/tus lej ntawm cov ntawv xeem kom ncav qib/theem (CST thiab CAHSEE):**

**1. Nug txog CAHSEE: Ua cas peb ho xeem dhau ntu Askiv thiab ntu zauv tshaj ob npaug ntawm tus lej tias peb yeej kawm ncav qib theem? (Uve)**

Tau 350 mus txog rau 379 thiaj li dhau. 380 los sis tshaj sauv yog ncav qib/theem thiab kheej heev. Yog li tej zaum tus me nyuam yuav xeem dhau tab sis tsis txog 380. Yog xav paub ntau tshaj no hais txog tus lej ntawm kev xeem ntawv mus

download daim technical reports ntawm:

<http://www.cde.ca.gov/ta/tg/hs/resources.asp>

**2. Ua cas thiaj poob qis ua luaj hauv daim CST ntu lej ntawm txhua pawg nyob qib 6 thiab qib 9? (Uve)**

Pib nyob rau qib 7 tus me nyuam yuav tau kawm lej nyob ntawm seb nws xeeb tau li cas thaum nyob rau qib 6 thiab nrog rau lwm yam. Piv txwv, qib 8 tej zaum nws yuav kawm pre-algebra, algebra, los sis geometry. Cov me nyuam nyias yuav muaj nyias ib daim CSTs. Me nyuam daim CST ntu lej tsuas xeeb thaum nws kawm nyob qib 7. Pib hauv qib 8, cov me nyuam yuav xeeb tej ntu hauv daim CST, xws li algebra los sis geometry nyob ntawm seb lawv kawm hoob twg hauv tsev kawm ntawv. Thaum xeeb tej zaum nws yuav tau tsawg dua vim muaj ntau yam, tej zaum daim ntawv xeeb yuav muaj lwm yam los xyaw thiab muaj ntau qib them xeeb cov ntawv xeeb no. Qhov no pom muaj nyob rau hauv nroog thiab hauv xeeb them tib yam nkaus. Nco ntsoov: Ntu lej thiab ntu Askiv hauv daim CST tam sim no hloov mus rau Common Core lawm thiab peb yuav sim nyob rau lub caij ntuj nag no thiab yuav pib siv mus nyob rau lwm xyoo.

**3. Cov ntawv (data) muab koj los piv rau lwm koog tsev kawm ntawv hauv nroog li: Peb puas yog lub qis tshaj plaws hauv nroog no?(Uve)**

Xeeb California Department of Education qhia tias tag nrho txhua hoob kawm thiab qib them hauv CSTs, nrog lwm yam muaj hauv Dataquest: <http://dq.cde.ca.gov/dataquest/>. Cov ntawv xeeb no feem ntau tau muab tso ua ke ua ib yam koj los ntsuas hu ua Academic Performance Index (API). API yog tag nrho txhua yam siv koj los ntsuas txog ib lub tsev kawm ntawv los sis ib koog tsev kawm ntawv thiab muab piv rau lwm koog. Muaj nyob rau ntawm Dataquest. Tus API yog 200-1000. Lub hom phiaj yog xav kom cov tsev kawm ntawv thiab koog tsev kawm ntawv xeeb tau tsawg kawg nkaus yog 800. Xyoo 2013, API tus qhab nees hauv txhua koog tsev kawm ntawv hauv peb nroog yog 725-839. Twin Rivers yog lub qis tshaj thiab Folsom-Cordova yog lub siab tshaj.

Lwm qhov chaw li ntaub ntawv:

- Testing & Accountability: <http://www.cde.ca.gov/ta/>
- Data & Statistics: <http://www.cde.ca.gov/ds/>

**Qhov tsis zoo ib yam ntawm(ELs, SPED, thiab African-Americans):**

- 1. Qhov tsis zoo ib yam tshwm sim ntawm pab pawg (subgroups). Kuv txhawj txog cov EL's thiab tshwj xeeb yog cov LTEL vim lawv tau txais kev txhawb nqa los ntawm cov paraeducators uas lawv cov lus xub thawj tsis yog lus Askiv. Puas muaj ELD los txhawb pab cov EL's los ntawm cov uas nws ib txwm hais lus Askiv xwb? (Graciela)**

Tag nrho cov Bilingual Paraprofessionals uas muaj ntawv txhua yam raws li kev cai los ua nws txoj hauj lwm thiab muaj txhua yam raws li No Child Left Behind txoj cai. Ntxiv, lawv yuav tau txais kev cob qhia txhua lub hlis seb yuav txhawb pab cov me nyuam uas nws cov lus xub thawj tsis yog lus askiv li cas thiaj zoo los ntawm kev tsim daim Common Core Standards. Ib txog hauj lwm ntawm cov Bilingual Paraprofessionals yog yuav tsum muaj L1 suport, qhov no yog, los txhawb cov me nyuam qhia ua lawv yam lus nyob ua ib pawg rov qhia dua/ rov saib dua txog nws cov ntawv kom nws muaj txoj ncauj ke los kawm lus ntxiv thiab nkag siab. Tag nrho cov English Language Learners yuav tau txais English Language Development support txhua txhua hnuv los ntawm lawv tus xib fwb thaum txog caij qhia ELD. Bilingual Paraprofessionals tsis yog ib qho ntawm lub base program rau cov English Learners, lawv txoj hauj lwm yog los pab qhia ntxiv nyob rau tom qab lawb ntawv kom me nyuam nkag siab txog txoj kev kawm. Kev saib xyuas kom vam meej rau peb cov Long Term English Learner (LTELs) TRUSD tau txheeb peb cov me nyuam cov ntaub ntawv, tau tshuaj ntsuam, thiab siv qhov zoo tshaj. Qhov tshwm sim, muaj hoob qhia kom kawm tau sai sai rau cov LTELs thiab yuav muaj nyob rau xyoo 2014-2015. Cov hoob no yuav tsum qhia los ntawm cov xib fwb uas muaj daim credential qhia Askiv.

- 2. LCAP thiab CCSS muaj ncauj kev ib zaug ntxiv los xav dua txog qhov peb cov me nyuam kawm ntawv xav tau los pab lawv thiab yuav ua li cas thiaj pab tau kom zoo ntxiv tuaj. Cov ntaub ntawv qhia tias cov me nyuam EL ib txwm muaj keeb kawm tsis tiav a-g hauv TRUSD. Yuav ua li cas thiaj li pab tau cov me nyuam EL es lawv thiaj li yuav muaj kev vam meej ntxiv tuaj. (Graciela)**

TRUSD yuav rau siab ntso los txhawb cov English Learners kom cuag a-g txoj cai xws li tsim ib hoob rau cov Long Term English Learners. Cov hoob tshiab no tau muab xa mus rau U.C. Doorways, lub tuam txhab uas pom zoo rau cov hoob kawm no tias nws yeej muaj txhua yam raws li a-g txoj cai. Tau tsim cov hoob no tom qab ua tib zoo saib cov me nyuam cov ntaub ntawv tas thiab tshawb nrhiav tas. Vim kev tshawb nrhiav tau qhia txog qhov tseem ceeb tias kev txhawb me nyuam yog siv lawv cov lus coj los pab lawv, peb tau tsim ib co hoob pathways hauv middle school mus txog rau high school los txhawb cov me nyuam qhia ua lawv yam lus thiab yuav xyuas tias qhov no yuav pab tau lawv li cas hais txog ntawv thiab kev nkag siab lus.

- 3. Yog feem coob ntawm peb cov me nyuam EL yog “Yug hauv USA” yog vim li cas lawv ho nyeem los sis sau tsis tau Askiv los yog lawv cov ntawv? (Graciela)**

TRUSD pom tias peb yuav tau txhim kho peb cov me nyuam txoj kev kawm ntawv ntxiv. 38% ntawm tag nrho cov me nyuam hu ua English Learners twb tau kawm ntawv hauv tsev kawm ntawv tau li 6 xyoo rov sauv. Ib qho tshwj xeeb ces yog qhia kom zoo thaum xub pib thiab saib xyuas thaum kawm nyob rau qib K-3. Tag nho cov xib fwb qhia K-3 tau txais kev cob qhia tshwj xeeb los qhia kom cov

me nyuam paub nyeem tom qab kawm tas qib 3. Qhov no muaj xws li xeem ntawv thiab saib xyuas cov me nyuam, muaj kev pab kom ntau hauv hoob, qhia kom zoo. Peb xam kom cov me nyuam paub nyeem thiab paub sau Askiv thaum kawm nyob rau qib 3.

Hais txog qhov lawv sau lawv cov ntawv, TRUSD muaj ib lub Early Exit Bilingual programs hauv Madison thiab hauv Noralto Elementary Schools uas qhia Spanish rau me nyuam thiab kom lawv paub nyeem thiab paub sau ntawv Spanish. Dhau ntawm lub Late Exit Bilingual Program muaj qhia ua lwm yam lus es tsis yog lus Askiv hauv middle school thiab high school ces tsuas muaj lub Hmoob thiab Lavxias (Russian) Saturday School community programs. Nyob rau yav pem suab, TRUSD yuav npaj kom muaj ntau txoj ncauj ke rau cov me nyuam los kawm kom paub ob yam ntawv los ntawm lub dual immersion program pib hauv preschool mus txog middle school.

#### **4. Ua cas peb ho muab cov me nyuam African-American tso rau hauv special education ntau heev? (Tammy)**

Raws li kev tshawb nrhiav hauv lub Significant Disproportionality Coordinated Early Intervening Services Plan (CEIS), thaum lub 2/26/13, qhia tias cov African Americans kawm hauv special education coob dua vim lawv nyob tsis tus los yog Emotionally Disturbed hauv TRUSD:

Muaj ib qho “push down” ntawm cov qauv (standards) hauv xeev. Thaum kawm nyuaj tuaj, me nyuam muaj kev cov nyom ntau thiab yuav muab lawv xa mus nrhiav kev pab. Cov neeg ua hauj lwm feem ntau xa mus rau special education thiab tso rau hauv special education kom thiaj li tau txais kev pab qhia zoo.

Cov neeg ua hauj lwm tsis nkag siab txog tus me nyuam nws tsev neeg thiab nws haiv neeg. Cov neeg ua hauj lwm yuav tsum paub kom ntau hais txog tus me nyuam nws haiv neeg thiab nws tsev neeg thaum lawv saib txog nws txoj kev kawm ntawv, nrhiav tswv yim los pab nws, thiab xa nws mus kawm rau hauv special education.

-Cov me nyuam kawm ntawv hauv TRUSD yeej kawm tsis ntev (li 51% xwb)

-Kev tshuaj ntsuam ntawm cov me nyuam uas txheeb tau tias ED yuav tau muab saib dua. Feem coob ntawm cov me nyuam uas los lwm qhov los rau hauv TRUSD yeej yog ED. TRUSD yuav tau tsim ib tsab cai los saib cov me nyuam uas muaj daim IEPs dua.

Tus lej ntawm kev rho tawm (suspension) ntawm cov me nyuam African American.

Nco cia: Raws li nrhiav tau nws qhia hais tias muaj tej pawg neeg nws kuj tsis thooj li tej pawg vim txheeb tau tias cov me nyuam no lawv nyob tsis tus, raws li

nrhiav tau nws kuj muaj feem txog cov me nyuam African American hauv special education thiab.

**5. Yog vim li cas peb ho thawb coob leej me nyuam cov uas tsis paub ntawv kom dhau lub system? (Kathleen)**

Kev tshawb fawb yav tag los nws tsis txhawb qhov uas yuav kom tus me nyuam rov kawm hoob qub ntxiv (grade retention) hais tias qhov no yog ib txog kev pab kom kawm tau ntawv los sis yog ib qho kev nyuaj siab uas yuav tau hloov. Muab piv rau tsis ntev no hais txog qhov yuav kom cov me nyuam rov kawm dua hoob qub qhov no cov me nyuam hais tias qhov no nws yog ib qho tsis zoo nkauj rau lawv txoj kev kawm. Feem coob ntawm cov me nyuam qhov muab tuav cia, cia kawm ib xyoos ntxiv nws yeej tsis pab dab tsi thiab tej zaum yuav yog ib qho phem heev.

Muab tuav cia los sis poob ntawv nyob rau ib qib twg nws yog ib qho muaj feem txog qhov tus me nyuam tso txoj kev kawm tseg (drop-out) thaum nyob rau high school. Kev tshawb nrhiav qhia hais tias yog cov me nyuam tsis nce hoob lawv yuav kawm tsis tau ntawv nyob rau qib 11 thiab feem ntau lawv yuav tso txoj kev kawm ntawv hauv high school cia. Muab tuav cia yog ib yam peb pom tias yuav tso txoj kev kawm tseg thaum kawm rau high school cov uas poob ntawv ces yog 2-11 zaug dua cov uas tau nce. Cov uas raug tuav cia yuav tsis tau daim high school diploma thaum nws muaj 20 xyoo thiab yuav tsis mus kawm ntxiv nyob rau cov tsev kawm ntawv qib siab. Raws li kev tshawb nrhiav qhia tias muab tuav cia nws tsis pab dab tsi thiab yeej tsis zoo, cov kws txawj kws ntse lawv tsis xav muab cov me nyuam tuav cia li no.

Cov me nyuam uas kawm tsis tau, kev tuav cia tsis yog ib qho yuav txaus siab— los sis yuav cia li muab nws nce mus rau qib tom ntej yam tsis muaj lub tswv yim los pab nws kom nws caum cuag. Cov me nyuam uas pib es poob qab, yuav muaj ntau yam kev pab ua ntej Kindergarten qhov no yuav yog ib txoj ke zoo rau nws txoj kev vam meej. Lwm yam ntawm accelerate learning yog: pab ntxiv nyob rau thaum tseem kawm ntawv, ua ntej los sis tom qab lawb ntawv thiab kawm nyob rau lub caij ntuj so tej no pom tau hais tias nws zoo dua. Raws li kev tshawb nrhiav qhia tias tshuaj ntsuam tau thaum ntxov thiab pab thaum ntxov yog ib qho zoo tshaj coj los pab cov me nyuam kom lawv caum cuag, cov kws txawj kws ntse tseem tab tom txheeb qhov no thiab yuav tsim kom tau cov programs zoo coj los pab.

**6. Yog vim li cas peb thiaj ua rau 9/10 leej cov me nyuam dub thiab doog poob/ kawm tsis tiav cov tsev kawm ntawv qib siab thiab tsis muaj hauj lwm ua? (Craig)**

Muaj ntau lub haj tom tias vim li cas peb ho pab tsis tau tag nrho txhua tus me nyuam hauv peb koog tsev kawm ntawv, xws li cov uas “dub thiab doog” raws li lo lus nug. Nov nws yog ib qho uas peb cov neeg kav tswj (board) tau tsim cov

kev ntseeg (core beliefs) hais txog tej teeb meem no, nrog rau qhov tias “Txhua tus me nyuam yuav tsum kawm tiav hauj lwm thiab npaj txhij mus kawm nyob rau qib siab”. Twb yog vim li no peb thiaj li tau tsim cov hom phiaj tshwj xeeb hauv daim LCAP los txhim kho kom txhua tus me nyuam kawm ncav qib them es txhob muaj qhov nrug thiab txhob muaj qhov txawv ntawm tej pawg neeg. Peb yuav siv 8 yam uas tshwj xeeb hauv xeev uas yuav tau ua, ua ntej tshaj, TRUSD cov kev ntseeg (core beliefs), thiab cov hom phiaj hauv daim LCAP los pab daws qhov teeb meem no.

**Kev ncaws pob ua si/ muaj:**

- 1. Thov kom peb muaj tej yam ua kom me nyuam kawm ntawv nyiam tuaj kawm ntawv puas tau? Tej yam no xws li hu nkauj, kos duab, los yog kev ncaws pob nyob rau tom qab lawb ntawv. (Jackie W.)**

Peb muaj kos duab rau qib 1-3, ntaus suab paj nruag rau qib 4-6 thiab cob qhia kos duab npaj rau lwm xyoo. Peb muaj kev koom tes thiab yuav koom tes nrog lub tuam txhab nyob rau tom qab lawb ntawv kom muaj sij hawm los kawm txog kev kos duab

- 2. Peb koom nrog niam txiv, neeg nruab zog thiab koom haum pab dawb los tsim tej yam kev ua si (club)/ hoob kawm nyob rau tom qab lawb ntawv? Xws li: muab tej qub computer coj los kho sib dhos, thiab kev pab tib neeg nruab zog. (Yolanda)**

Ib txoj hauj lwm ntawm pawg Parent and Community Involvement Team yog los mloog cov niam txiv tej tswv yim thiab pab muab cov tswv yim no coj los sau ua ke nrog TRUSD txoj kev ntseeg thiab lub zeem muag es kom txhua yam peb ua thiaj zoo rau me nyuam txoj kev kawm. Sawv daws (cov stakeholders) yuav muaj hau kev txhua lub hlis los tham txog qhov zoo es yuav pab tau me nyuam txoj kev kawm hauv cov tswv yim no thiab mam xaiv xa cov tswv yim no mus rau koog tsev kawm ntawv pawg los thaj tsob kho dua daim LCAP raws li qhov lawv txiav txim.

**Nyiaj yuav siv los qhov twg los:**

- 1. Cov nyiaj ua ntej tshaj plaws hauv LCAP uas kuv pom tsis yog tseeb kiag. Thaum twg thiaj yog lub caij uas yuav muab tau tus zauv nyiaj rau cov neeg saib tau? (Barbara)**

Cov nyiaj hauv daim LCAP yog raws li qhov peb kab xwb. Lub Local Control Funding Formula (LCFF) ua raws li lub Xeev poom zoo COLA thiab tus lej feem pua uas tsis sib ncag, Period 2 thiab Annual Average Daily Attendance (kev tuaj kawm ntawv txhua hnuv) thiab suav tag nrho cov me nyuam (unduplicated) thaum lub 10 hli . Cov nyiaj hu ua Supplemental/Concentration yog ib ntu ntawm lub LCFF. Daim LCFF uas yog daim kawg tseem tsis tau paub vim tej ntaub



ntawv tseem tsis muaj txhij (tag xyoo tso). LCAP tsis yog ib thooj nyiaj xwb; nws yog ib lub tswv yim los txhim kho kom me nyuam kawm tau ntawv. Tab sis, peb tseem saib xyuas thiab tshuaj ntsuam LCFF tej ntaub ntawv kom tag xyoo no los txiav txim seb puas muaj kev hloov li cas ntxiv hauv thooj nyiaj.

**2. TRUSD muaj 85% cov me nyuam uas xav tau kev pab: Nyiaj concentration thiab supplemental yuav tsum muab rau lawv; ua cas thiaj tsis hais txog? (Barbara/ Kate)**

Cov nyiaj Supplemental/Concentration yog khwv tau los ntawm 85% ntawm cov me nyuam (unduplicated) yog tshaj li 55% siv tau cov nyiaj Supplemental/Concentration thoob plaws hauv koog tsev kawm ntawv. Peb twb ua ob yam hu si; tsim programs rau cov Unduplicated me nyuam (cov uas lus Askiv tsis yog nws cov lus xub thawj, nws tsev neeg tau nyiaj tsawg, nws tsis muaj vaj tse nyob nrog niam qhuav txiv qhuav nyob) thiab kuj tsim programs nyob thoob plaws hauv koog tsev kawm ntawv (Thov saib Koog 3 hauv daim LCAP).

**Nrhiav tswv yim los ntawm sawv daws (Stakeholders):**

**1. TRUSD yuav ua li cas thiaj tau tswv yim los ntawm cov me nyuam kawm ntawv koj los sau hauv daim LCAP? Muaj kev sib tham nrog cov neeg nruab zog thiab pawg niam txiv (Kuv tau mus koom 6 zaus); tab sis txawm li cas los; kuv tsis tau pom ib tug me nyuam kawm ntawv tuaj koom li. (Rudy)**

Lub Twin Rivers koog tsev kawm ntawv muaj kev sib tham nrog cov me nyuam cov uas koj (student Leadership) los tsim thiab nrhiav kom tau tswv yim los ntxiv rau daim LCAP/LCFF. Lub rooj sib tham ntawm cov me nyuam kawm ntawv muaj nyob rau lub 3 hlis tim 13, 2014 thiab pab los ntawm lub Youth Development Network. Tshaj li 75 tus me nyuam sawv cev rau 21 lub tsev kawm ntawv tau tuaj koom lub rooj sib tham no thiab pab tswv yim los tsim TRUSD daim LCAP/LCFF.

**2. Kev qhia tswv yim raws qhov yuav ua ua ntej hauv xeev, hais txog: me nyuam kawm ntawv kev nyiam kawm, puas tau txais los ntawm TRUSD cov me nyuam? Yog tau, cov ntaub ntawv nws puas tseem ceeb, tshwj xeeb yog hauv HS, xav kom koom tes nrog TRUSD tsim daim LCAP xyoo no? (Rudy)**

Lub Twin Rivers koog tsev kawm ntawv muaj kev sib tham nrog cov me nyuam cov uas koj (student Leadership) los tsim thiab nrhiav kom tau tswv yim los ntxiv rau daim LCAP/LCFF. Lub rooj sib tham ntawm cov me nyuam kawm ntawv muaj nyob rau lub 3 hlis tim 13, 2014 thiab pab los ntawm lub Youth Development Network. Tshaj li 75 tus me nyuam sawv cev rau 21 lub tsev kawm ntawv tau tuaj koom lub rooj sib tham no thiab pab tswv yim los tsim TRUSD daim LCAP/LCFF. Peb ntseeg tias lub rooj sib tham no nws tseem ceeb heev rau peb cov me nyuam kawm ntawv feem coob ntawm cov me nyuam uas tau tuaj

koom lawv yog cov coj noj coj ua ntawm pawg me nyuam kawm ntawv hauv cov comprehensive los sis alternative education high school programs (23 tug me nyuam).

**Tsev Kaj Siab (Mental Health):**

- 1. Peb puas ua tau raws li cov me nyuam lub tsev kawm ntawv xav thiab muaj tag nrho cov kev pab no (Wrap-around services)? (Rudy/ Tammy)**

Thaum peb pib tsim lub Local Control Accountability Plan nws yog ib qho tseem ceeb uas yuav tsum muaj ntau yam kev pab los ua ib qho ntawm kev sib tham thiab tswv yim. Twin Rivers koog tsev kawm ntawv muaj ntau haiv neeg thiab yog ib koog tsev kawm ntawv uas tshwj xeeb heev muaj ntau txoj hau kev los tsim kom muaj ntau yam programs los pab txhawb txhua tus me nyuam. Cov kev pab no nws tsis yog hais txog kev kawm ntawv xwb, tab sis hais txog me nyuam kev xav, kev ua hauj lwm, kev kawm dhau high school yam tsim nyog thiab ho nkag siab txog kev pab tus me nyuam thiab ntawm nws txoj kev vam meej.

- 2. Peb puas txais (invest) cov counselors los pab tag nrho cov me nyuam K-12 kom lawv pab tau lawv tus kheej, daws tau kev nyuaj siab, thiab pab tau lawv txoj kev kawm ntawv? (Dayna/ Craig)**

California muaj ib tug counselor los pab li 445 cov me nyuam kawm ntawv (445:1). Koog tsev kawm ntawv thiab cov tsev kawm ntawv yuav txais coob tus counselors ntxiv. Koog tsev kawm ntawv yuav txo tus lej ntawm cov counselor mus rau me nyuam li 450: 1los ua 350: 1 hauv qib 7-12. Tag nrho cov counselors hauv TRUSD tau txais kev cob qhia thiab tau koom lub professional development nyob rau 3 ntu uas yog: Kawm ntawv (Academic), hauj lwm (Career), Me nyuam kev xav (Social-Emotional). Muaj me nyuam tsawg qhov no yuav yooj yim rau cov counselors los saib xyuas thiab pab lawv hauv kev kawm ntawv.

- 3. Peb puas muaj cov counselors los txhawb tag nrho cov me nyuam kawm ntawv es txhob yog HS xwb? (Dayna/ Craig)**

Feem coob ntawm peb cov tsev kawm ntawv elementary thiab tag nrho peb cov tsev kwam ntawv uas muaj qib7-12(nrog rau K8s), muaj cov credentialed counselors. Cov niam cov txiv thiab cov me nyuam caw nej los teem caij tuaj ntsib peb cov counselors hais txog ntawm qib-theem thiab seb nej cov me nyuam puas tuaj kawm ntawv.

- 4. Zoo li yog me nyuam thiab niam txiv pab txhawb hauv Pre-K thiab Elementary nws tseem ceeb heev. Koog tsev kawm ntawv puas npaj yuav txais cov Counselors hauv preschool thiab hauv Elementary? Yeem sai yeem zoo. (Anne)**

Txais, nyob rau Preschool thiab Elementary thooj nyiaj siv los them hu ua Educationally Related Mental Health Services thiab LCFF uas muaj feem txog LCAP xav tau kev pab hais txog me nyuam kev xav (Social-Emotional) hauv cov tsev kawm ntawv uas muaj cov me nyuam no coob.

**Niam txiv kev kawm ntawv: (Yolanda)**

- 1. Puas kam peb cob qhia niam txiv kom lawv pab tau lawv cov me nyuam txoj kev kawm ntawv?**
- 2. Thov peb cob qhia niam txiv es kom me nyuam thiaj li vam meej los ntawm lub parent university style program?**
- 3. Puas kam niam txiv mus koom kev cob qhia zoo ib yam li cov xib fwb hais txog tswv yim nyeem ntawv hauv Common Core?**
- 4. Puas kam qhia Common Core Lej rau cov niam txiv?**

Parent University yuav pib nyob rau lub caij ntuj qhua (fall) no kom niam txiv muaj txoj hau kev los kawm ntau yam los pab kom lawv cov me nyuam muaj kev vam meej hauv tsev kawm ntawv thiab dhau ntawd. Koog tsev kawm ntawv tus neeg pab niam txiv hu ua Parent and Community Involvement Coordinator tau tuaj ntsib sawv daws cov stakeholders nrog rau cov niam cov txiv, cov tub ntxhais kawm ntawv, cov thawj coj hauv ib cheeb tsam, thiab cov neeg ua hauj lwm hauv koog tsev kawm ntawv thiab lub tsev kawm ntawv kom mloog tej yam tseem ceeb ntawm TRUSD cov niam cov txiv. Twb npaj tiav rau pawg (focus groups) thiab yuav sib tham hauv peb ib cheeb tsam nyob rau lub caij ntuj so kom paub tias tag nrho txhua tus niam txiv yeej muaj txoj hau kev los hais thiab los hnov. Sawv daws tej tswv yim muaj nqis qhia hais tias lawv xav paub txog:

- Kev txhawb me nyuam thiab cov hluas hais txog Common Core
- Paub pab lawv cov me nyuam txoj kev kawm ntawv
- Kom muaj kev haum xeeb hauv nws tsev neeg
- Kom paub txog cov kev pab uas koog tsev kawm & cheeb tsam muaj

Niam txiv yuav tau koom tes ua hauj lwm nrog tus Parent and Community Involvement Coordinator los sib qhia tswv yim thiab sib pab los tsim lub Parent University.

**Niam txiv kev koom tes (Ntsuas thiab Nyiaj Txiag):**

- 1. Niam txiv kev koom tes yog ib qho ntawm 8 yam ntawm cov uas yuav tau ua, ua ntej hauv xeev tab sis zoo li tau siv nyiaj tsawg kawg nkaus hauv TRUSD LCAP (\$50,000) xwb. Kuv tau hnov tias nqi no tau muab sau ua ntej peb muaj tus parent involvement coordinator thiab tus lej tias raug li cas nyob rau 2014-15 LCAP yuav sib txawv. (Barbara)**

Ib koog tsev kawm ntawv uas tau txais nyiaj Title I, ntu A ntau tshaj li 500,000 yuav tsum tseg li 1% ntawm cov nyiaj Title I, ntu A coj los ua raws li sau hauv koog *1118(a)(3) (A), ESEA*, hais txog kev koom tes ntawm niam txiv. TRUSD

tseg li 5% ntawm qhov 1% rau koog tsev kawm ntawv siv hais txog tej yam muaj feem txog kev koom tes ntawm niam txiv. Qhov 1% ntawd yuav muab faib raws li seb koog tsev kawm ntawv cov tsev kawm ntawv Title I thiab cov tsev kawm ntawv ntiav, muaj pes tsawg tus me nyuam kawm ntawv. Lub LCFF xav kom muaj me ntsis faj seeb cia thiab cov nyiaj seem no yuav siv rau tej yam uas muaj feem txog kev koom tes ntawm niam txiv.

**(Yolanda)**

- Yuav siv yam twg koj los ntsuas txog txoj kev koom tes ntawm cov niam cov txiv thiab dhau ntawm kev tshuaj ntsuam los ntawm daim survey thiab ntawm daim ntawv sau npe tuaj koom?
  - Siv cov hom phiaj dab tsi koj los ntsuas thiab xav kom tshwm sim zoo li cas hais txog txoj kev koom tes ntawm cov niam cov txiv hauv TRUSD nyob rau xyoo 2014-15 thiab dhau ntawd?
2. Yam kev ntsuas twg yuav yog yam muaj nqi rau niam txiv hais txog kev koom tes thiab kev cob qhia? Hauv LCAP tam sis no? Lub tswv yim hais txog kev koom tes ntawm niam txiv yuav tsim nyob rau 2014-15
  3. *(Lus nug ntawm niam txiv thiab me nyuam hais txog kev nyiam tuaj koom)* Puas kam peb siv tej yam kev ntsuas uas zoo koj los ntsuas txog me nyuam thiab niam txiv kev nyiam tuaj koom?
    - Tsis txhob tso siab rau kev tuaj koom tej koob tsheej (niam txiv) los yog me nyuam tus lej tuaj kawm ntawv/ rho tawm
    - Tso siab rau tej yam lawv nyiam xws li ncaws pob, club, ua lwm yam, kev cob qhia cov niam cov txiv.

Lub California Department of Education (CDE) tau tsim cov kev cai hais txog kev tsim koog tsev kawm ntawv cov tswv yim thiab cov kev cai hais txog kev koom tes ntawm niam txiv.

Sawv daws (cov stakeholder) tau pab tswv yim rau koog tsev kawm ntawv tus Parent and Community Involvement Coordinator thiab yuav muaj cov tswv yim no thaum hloov dua TRUSD lub tswv yim thiab cov kev cai dua. Ua ntej lub tswv yim thiab cov kev cai yuav muab mus rau cov neeg kav tswj (Board of Trustees) pom zoo, niam txiv yuav muaj ntau txoj hau kev los pab tswv yim ntxiv nyob rau hauv cov rooj sib tham hauv koog tsev kawm ntawv pawg niam txiv, hauv lub tsev kawm ntawv pawg niam txiv, hauv internet, thiab lwm yam uas tseem tsis tau txiam txim siab. Mam li hais qhia rau sawv daws txog hnub cov neeg kav tswj yuav pom zoo rau lub tswv yim thiab cov kev cai no.

Pom tau hais tias muaj kev thaj tsob me ntsis tuaj hauv xeev thiab hauv tsoom fwm lawv xav kom muaj ntau yam kev ntsuas koj los ntsuas seb txoj kev koom tes ntawm niam txiv zoo npaum li cas. Tus Parent and Community Involvement Coordinator yuav khaws thiab yuav qhia txog ob yam xws li yam zoo thiab yam tsis zoo los ntawm tej qauv tswv yim koj los tham txog cov hom phiaj uas tsim tau los ntawm niam txiv. Tej yam no yog:

- Muaj ntau daim ntawv tshuaj ntsuam rau cov neeg ua hauj lwm thiab cov niam cov txiv seb lawv puas txaus siab, nkag siab lwm haiv neeg thiab puas lees txais, thiab tshuaj ntsuam seb peb paus pab tau cov me nyuam raws li qhov lawv xav.
- Saib xyuas nyob rau thaum muaj kev kawm ntawv rau cov niam cov txiv txhawb nqa los ntawm koog tsev kawm ntawv thiab nyob rau ntau lub koob tsheej hauv tsev kawm ntawv.
- Ntawv sau thiab/los yog lus qhia los ntawm cov me nyuam, cov niam cov txiv, thiab cov neeg ua hauj lwm tshwj xeeb yog qhia txog cov hom phiaj.
- Tus lej feem pua ntawm qhov cov niam cov txiv tuaj thiab koom tes hauv tus me nyuam lub rooj sib thamyuav tsum nce, kev foob vim tsis txaus siab rau koog tsev kawm ntawv yuav tsum tsawg, daim ntawv tshuaj ntsuam txog me nyuam kev noj qab haus huv cuam tshuam txog tsev kawm ntawv yuav tsum zoo, me nyuam nyiam tuaj kawm ntawv, txo tus lej ntawm kev rau txim xws li xa mus tsev/rho tawm kom tsawg, lwm yam uas yuav tau txiav txim los nrog niam txiv sib tham (thaum saib cov ntawv no tag, tshwj xeeb tus lej feem pua yuav tau muab sau rau hauv daim tswv yim)
- Tej zaum yuav muaj siv computers (technology) nyob rau hauv niam txiv lub rooj cob qhia los ntsuas seb tuaj koom coob li cas thiab qhia rau tus xib fwb seb yuav hloov li cas nyob rau thaum sib tham es kom nws thiaj li zoo thiab muaj txiaj ntsim.

**4. Yuav ua cas koog tsev kawm ntawv thiaj li paub tias niam txiv thiab neeg ib cheeb tsam hauv txhua lub tsev kawm ntawv yuav tuaj koom nrog koog tsev kawm ntawv? (Yolanda)**

Qhov niam txiv tuaj koom yog ib qho kev thaj tsob uas yuav tau sib pab los ntawm cov tsev kawm ntawv thiab koog tsev kawm ntawv, cov niam cov txiv, thiab tej chaw nyob ib cheeb tsam yuav muaj ntau yam muaj nqis los txhawb cov me nyuam txoj kev kawm thiab kev txawj. TRUSD yuav rov tsim koog tsev kawm ntawv pawg niam txiv (parent advisory committees) kom muaj cov niam qhuav txiv qhuav, muaj cov niam txiv uas lawv tus me nyuam cov lus xub thawj tsis yog lus Askiv (ELs), cov niam txiv uas lawv tus me nyuam kawm hauv special education, cov uas nws tsev neeg txom nyem, (socioeconomically disadvantage) thiab cov uas nws tsev neeg yog lwm haiv neeg. Peb yuav pib tej yam tshiab, no kom muaj neeg ntxiv, cov niam cov txiv uas tseem sawv cev rau School-Site Councils thiab English Learner Advisory Committees yuav tau txais ntawv caw tuaj koom ntau lub rooj sib tham tuaj pab tswv yim, npaj, thiab tsim txoj hau kev tshiab rau pawg neeg hauv koog tsev kawm ntawv. Cov hnuv yuav sib tham mam li tshaj qhia rau ib cheeb tsam nyob rau yav pem suab. Tag nrho sawv daws (cov stakeholders) caw nej tuaj koom.

## **Lus nug txog computers (Technology):**

- 1. Ntawm 10,000 lub computers uas tau sib tham hauv pawg Computer Committee puas yuav tau siv nyob rau lub 8 Hli 2014 hauv chav kawm ntawv? Yog tau, yuav muab nyiaj qhov twg koj los them? Zoo li tsis muaj qhov no hauv daim LCAP.**

Pawg technology committee pom zoo tej yam khoom tshwj xeeb nyob hauv lub rooj sib tham thaum lub 6 hli tim 9. Lawv yuav siv cov nyiaj uas tsis yog LCAP koj los them. Yuav pib nyob rau lub caij ntuj qhua (Fall semester) xyoo 2014.

- 2. Yuav ua cas koog tsev kawm ntawv thiaj paub hais tias cov computers yuav siv yam ncaj ncees thiab siv rau txoj kev kawm ntawv xwb (Nws tau muaj teeb meem hais txog qhov cov xib fwb tsis siv computer kom ntau nyob yav dhau los). (Craig)**

Kev siv computer, peb yuav xyuas seb lawv yuav siv li cas, tshwj xeeb yog thaum peb npaj cov ntawv xeem tshiab hauv xeev. Nws yog ib txog kev cia siab ntawm peb tias muaj 3-1, me nyuam yuav tau siv computers. Qhov no yuav saib nyob rau hauv cov tsev kawm ntawv, thiab kev siv yog ib qho tseem ceeb rau peb cov me nyuam kom lawv paub siv computer nyob rau tam sim no, thiab npaj txhij los xeem ntawv (standardized testing).

Ntxiv, yuav muaj kev cob qhia (professional development) rau cov xib fwb ua ntej yuav siv cov computers no nrog cov me nyuam hauv lawv hoob. Muaj kev cob qhia zoo peb yuav tso siab tias thaum lawv siv cov computers no lawv yuav siv yam ncaj ncees, thiab cov xib fwb yuav paub siv cov computers no, kom thiaj tsis tsam chaw.

- 3. Cov hom phiaj thiab kev ntsuas txog cov computers zoo li cas? (Anne/ Craig)**

TRUSD pom tias technology yog ib qho nqi ntawm kev ua lag luam nyob rau tam sim no, zoo ib yam li peb them tej nqi hluav taws xob. Muaj ib lub tswv yim los yuav kom tau ntau lub computers los rau cov me nyuam li ntawm 3:1 (3 tug me nyuam siv 1 lub computer). Vim xav kom muaj kev cob qhia (professional development) nrog rau qhov no thiab lwm yam uas muaj feem txog kev xa cov computers (technology), yuav muaj cov khoom no nyob rau lub caij ntuj qhua (fall) xyoo 2014.

- 4. Qhib cov tsev nyeem ntawv (libraries) hauv cov tsev kawm Elementary thiab muaj chav siv computers (technology) kom ntau tuaj. (Anne)**

Ua hauj lwm dhau caij (Over time), muaj ntau yam hauj lwm (projects) ua xws li lub tswv yim hu ua comprehensive library plan koj los pab peb koog tsev kawm ntawv. Qhov no tseem tab tom txiav txim nyob rau yav tom ntej no.

- 5. Kuv xav tias qhov kev txhawj xeeb ces yog xyuas kom cov niam txiv uas lawv tsis muaj computers (technology) tau txais cov xov xwm tseem ceeb xwb. (Yolanda)**

Pawg Parent & Community Involvement yuav muaj kev sib txuas lus thiab kev koom tes ntau heev nrog cov niam cov txiv uas nws tsis muaj computers (technology); nws yog kev sib tham tim ntsej tim muag nrog TRUSD cov niam cov txiv hauv lawv ib cheeb tsam.